

SCHOTTEDICHTER



im Joor 2021

**Bruchsch Buttons für d Fasnacht oder unterem Joor,
e Mail längt und di Wunsch wird
wohr!**

Buttonspryys (Ø 56mm):

1-50 Stk.	CHF 1.- /Stk.
51-100 Stk.	CHF 0.80 /Stk.
101-250 Stk.	CHF 0.70 /Stk.
Ab 251 Stk.	CHF 0.60 /Stk.

Bisch interessiert? Denn chasch di diräggt
an Luu wände: info@luuki.ch
oder uff www.schottedichter.ch



Kabbi, Restaurant, Pizzeria



Schmittiplatz
Hauptstrasse 23
4133 Pratteln
Tel. 061 821 86 86

Wo man sich trifft!

Driiiiinng.... Driiiiinng.... Driiiiinng....

Ich schreie uff, dr Wecker brüllt mir ins Ohr... uhhh, wenigstens nid verschloffe, drfür brummt dr Schädel scho... Guet, kei Wunder nach dem Meiere-nei-nid-dr-Martin-Marathon vo gester Obe... Do frog ich mi doch glatt wies ächt unserem Neuzugang Matse nach sinere Taufi goht... Er het doch einigi anderi Köstlichkeite dörfe verkoste, nebe em wunderbare Schnitzelbrot vom Schüpbi... Und dr Stö?? Immerhin het d Mirjam uns no wunderbar verköschtigt nach sim französische vo gester...

Jetzt wird's aber Zyt, ab unter d Duschi... Dr Maage grummet schliesslich au scho wieder und freut sich ufs z'Morge... S Kostüm hängt scho parat, d Accessoires het dr Mitch au mol rechtzytig verteilt... Also ab in die früsch laggerte Zoggeli und ins Rad...

Dört acho, isch scho a chlini drümmli Rundi umme, dr Wyssi stoht au scho kiehlt uf em Tisch, aber wenigstens gits no e Käffeli bevor dr Strebi uftaucht... Früsch gstärkt gohts denn ab in Apéro-Poschtelauf bevors denn nomol ärnst wird bim Waage lade. Dr Käch het wieder e Dummi, will ich mi nid mag bugge. Immerhin mag dr Hurtli guet apacke und denn cha's ändlich los go... Ab uf d Route und s Kostüm und dr Waage präsentiere...

Ändlich isch dr Umzug dure, ich freu mi uf unseri Groupies und dr mit Abstand beschi Nach-Umzugs-Apéro. Mini emotionali Asproch ha ich mir natürlich au scho parat glegt und begriess au scho die erste Gönner mit Handschlag und e Huffe Küssli.

Leider verfliegt dä Teil vo dr Fasnacht wie immer im Flug und denn gohts scho zrug ins Rad fürs z'Nacht. Herrlich Rahmschnitzel mit Spätzli, jedes Joor e Lebesretter für die ganzi Bandi... Dr Pasci gegenüber het mittlerwyle au chli glasigi Äugli und dr Luu het sis chrätzige Lache au scho parat... Eimol mehr glingt uns dr Absprung nid rechtzytig und unseri Ohre mien drunter lyde...

Denn gohts wytter zu dr NS und jetzt freu mi eigentli nur no uf e Cortège vo morn... Au das Kostüm isch scho parat, dr Waage dr best wo mr je gha hän und ...

Driiiiinng.... Driiiiinng.... Driiiiinng....



S'Rad
Schützenweg 7
4133 Prattele

Mir wünsche Euch trotz allem e gueti Zyt,
blibet zwäg und hoffentlich bis zur Fasnacht 2022!
S'Rad-Team


different
design

Werbung – anders – different.ch

different design gmbh
Werbeagentur
St. Jakobstrasse 66
CH-4133 Pratteln
Telefon +41 61 500 51 15

...Driiiiiinnng.... Driiiiiinnng.... Driiiiiinnng....

Aaaahh - Kopfweh, dr Wecker. Meiere ?!? Stö ?!? Oh man, was für e Albtraum.. Fuck kei Fasnacht das Joor, scheiss Corona, wenigstens neggst Joor denn Vollgas...

Liebi Gönner,

Ich ha denkt, ich start das Nicht-Fasnacht-Heftli mol mit eme chli andere Ruggblig ins vergange Joor... Was vo dere Gschicht Traum oder Wahrheit isch, das überlos ich eurer Phantasie... Uf jede Fall het sich d Hoffnig nach dr letzte Nicht-Fasnacht leider nid bestätigt und mir chönne au das Joor nid Vollgas geh...

Trotzdäm hän mir beschlosse, unser Heftli au das Joor wieder an euch z'schigge. Leider isch es uns das Joor nid vergönnt, mit euch uf d Fasnacht azstosse, aber mir hoffe eimol mehr ufs neggste Joor...

Bi de Schottedichter isch trotz em Krisejoor e bitz öbbis gange. Wie ihr scho gläse hän, hän mir mit em Matse e neus Aktivmitglied chönne ufneh letscht Joor - hätzlich Willkomme au nomol uf dem Wäg, Matse!

Gratulatione do au nomol an Marco und mini Schwöster Annette zum baldige zweite Nachwuchs. D Nachwuchstruppe wird grösser und grösser...

Usserdem hän mr ändlich e neue Platz für unseri Wääge gfunde. Leider isch das kei Sprint, sondern e wahre Marathon gsi. Aber mir sin froh hän mr doch no öbbis gfunde...

Das Joor cha ich mi leider nid verabschiede mit em Hiwys uf e Apéro und das mi druf freu mi euch astosse... Ich bin aber sicher, dass jede vo euch mit em einte oder andere Schottedichter e Weg wird finde, um ufs hoffentlich baldige Ändi vo dr Krise und s Wiederseh im 2022 a z'stosse...


Bis denn.. eure Preesi, Mäxe, Ritschi, Ricki





Amsler Sanitär Pratteln

061 821 81 31



seit **>40** Jahren

Ramseyer
Elektronik AG
>die Voltprofis<

www.ramseyer-ag.ch

Zentrale Muttenz	061 461 12 91
Filiale Aesch	061 751 81 81
Filiale Pratteln	061 821 81 81

Schockierender Erlebnisbericht: Virus von Schottedichter besiegt

Exklusiv für das Schotteheft berichtet das Virus C. aus W. erstmals über seine erschreckenden Erlebnisse an der Prattler Halbfasnacht 2020:

Mein früheres Leben war sehr entspannt, an einem Fledermaus-Anus angedockt tagsüber in der Höhle lümmeln und in der Nacht etwas herumgeflogen werden. Mein Leben änderte sich jedoch schlagartig, als mich Forscher der Bill Gates-Fundation Wuhan abstöpselten und in ein Labor verfrachteten. Millionen von uns sollten in die Welt auswandern, um einer globalen Elite zu helfen, die Weltherrschaft zu erlangen. Ich für meinen Teil wurde in die Schweiz geschickt, wo sich offenbar unser Cousin, das Fasnachtsvirus, bereits langsam ausgebreitet hat. Leider sorgte mein Kommen für zu viel Aufsehen, so dass die meisten Aktivitäten dieser Fasnacht von einem kahlköpfigen Beamten, wohl auch ein Teil dieser Weltelite, verboten wurden...



PFIRTER
Kundenschreiner

massgeschreinert | individuell | hochwertig

T 061 823 80 48 | M 079 407 97 47

sowatch

Wir sorgen für klare Sachverhalte.

Unser Konzept schafft Vertrauen zwischen Bevölkerung, Politik, Verwaltung und Personen in schwierigen Lebensumständen

- Die SoWatch GmbH ist auf sozialverträgliche Leistungsabklärung in der Sozialhilfe spezialisiert.
- Wir überprüfen die Wohn- und Lebensumstände von Klienten mittels Fall- und Dossieranalysen, Hausbesuchen, Augenscheinen und Befragungen von Dritten.
- Unser Konzept zur sozialverträglichen Leistungsabklärung beruht zu einem wesentlichen Teil auf dem Prinzip der Prävention und aufsuchender Sozialinspektion.

Unser 4-Säulen Konzept



**INTERNE
PRÄVENTION**



**EXTERNE
PRÄVENTION**



**INTERNE
ABKLÄRUNG**



**EXTERNE
ABKLÄRUNG**



Seit 2015 Aussendienst-Dienstleiter der Abteilung Soziales + Gesundheit der Gemeinde Pratteln für Hausbesuche in der Sozialhilfe


SOWATCH...

- ist präventiv und kostenwirksam
- fördert das Vertrauen und entlastet
- ist methodisch und rechtlich abgestützt

Weit schlimmer jedoch war, dass ich nach der weiten Reise schlussendlich in einem Körper eines sogen. Schottedichters Unterschlupf fand. Bereits am Vortag vor der eigentlichen Restfasnacht traf sich mein Wirtstier seltsam gekleidet mit ähnlich seltsam Gekleideten in einer Holzhütte. Nachdem mir, offenbar beim Essen, noch fröhliche Steakoviren auf dem Weg zum Dünn darm zuwinkten, änderte sich die Lage für mich dramatisch: Von draussen strömte immer lauter «Meier!», «Du lüegsch!» und «Zeige!»-Gegröle herein und laufend wurde ich nun mit Desinfektionsmittel bekämpft. Das folgende Nahtoderlebnis blendet meine Erinnerungen an die weiteren Ereignisse vollkommen aus.


Nach dem Aufwachen am Sonntagmorgen musste ich erstmal kontrollieren, ob ich noch alle Zacken an der Corona habe. Überraschenderweise war dies der Fall. Sehr zu meinem Missfallen jedoch kleidete sich mein Wirtstier erneut äusserst ausgefallen und liess mich bald auch wieder im Desinfektionsmittel baden. Aus dem Lärm draussen schloss ich, dass wohl die Aerosolbläser der lokalen Guggemusiken ihre Pflicht taten und dass sich das viele Leute nicht entgehen lassen wollten. Danach setzte sich mein Schottedichter in Bewegung, um an einem Apéro seine Passivmitglieder mit allerfeinster Gaumenpoesie zu beglücken und edle Getränke zu kredenzen. Offenbar sollte im Normalfall davor ein Umzug stattfinden, an welchem die Wirtstiere sich unkenntlich machen, ein Intrigieren vorführen und dabei allerlei Esswaren und Papierschnipsel unter die Leute bringen.

Fröhlich räkelte sich mein Wirtstier plötzlich und setzte uns in Richtung «Rad» in Bewegung. Nach weiteren beachtlichen Mengen an Desinfektionsmitteln mit dem Tode ringend hörte ich von draussen, wie melodiose Verse gesungen wurden und lautes Gelächter erklang. Mein Ende ist nahe. Doch mein Schottedichter zelebrierte weiter diese halbe Fasnacht und liess mich über das Zwerchfell mächtig durchschütteln. Stunden später legte sich mein Wirtstier endlich schlafen. Das war selbst für das härteste Virus zu viel. Meine Zacken sind abgebrochen und meine Festplatte ist gelöscht. Ich werde mich an der Fasnacht 2022 als Glückshoromon verkleiden.





Gerigk
Malergeschäft



Th. Gerigk GmbH

Sodackerstrasse 24 | 4133 Pratteln

Telefon 061 821 52 12 | Fax 061 821 31 65

Grütter

Schlosserei + Maschinenbau GmbH
Fahrzeugbau

Wildensteinerstr. 21
CH-4132 MuttENZ

Tel. 061 821 94 00
Fax. 061 821 94 05



**Restaurant zum Park
Pratteln**

Take away

Dienstag bis Sonntag von 17.00 - 20.00 Uhr

061 821 51 45

Fam. De Battista mit Team
4133 Pratteln, Telefon 061 821 51 45

We proudly present...



Matthias
"Matse"
[MATSE]
Müller



Schaffe: schruubt an allem ume (wo nid bi 3 uf de Bäum isch...)

Hobbies:

- Gschichts- und Museumsguru
- Obersnuser (1 Minute ohne Snus für e Matse e Gruus...)
- Meh EHC statt THC

Gattig: Weltebummler & Gniesser



Zivilstand: Fan vo allne Stammgäschtt im 14

Motto: Jedes Pub bechunnt die Stammgescht, wo's verdient...

MARCO HURT.

Sportphysio
Therapie

www.physiofithurt.ch

REHABILITATION UND PRÄVENTION



Uff Eure Bsuech in unserem
Restaurant/Pub mit Fumoir
und gmietlichem Garte freue sich
d Maya, dr Mitch und Team!

Mä findet uns bi dr Tramändstation
täglich vo 08.00 bis 24.00 Uhr.

www.pub-fourteen.ch



Miss-Gönnt-sich-ja-sonst-nichts

Au wenn sich naturgemäss s'Läbe und drmit au möglichi Aktione vo de Gönner/inne und Aktive in letschter Zyt vornähmlich in de eigene 4 Wänd abspielt hett - isch dr Miss Gönner doch no Einiges zudreit worde... Sie hett sich drum (wankelmietig wie sie halt isch) entschie-de, an dere Stell doch nomol drüber z'brichte - e letschts Mol...

Im Folgende wird also über wiederum völlig zufällig usgwählti Gönner/inne meh oder weniger Positives aber sicher nur Woohres brichtet... Und ebbe au diä Aktive bechömme no ihr Fett wäg (gärn gscheh Preesi, Stö und witeri als Lu dr Redagtion bekannti XL-Grössene...):

Bim neuschte **Aktiv-Vogel Matse** tummle sich nid nur glatti Gönner sondern au sehr spezielli Inserentä - so hett das (frei nach de Dief-flieger) Tobi-Lumpi-Pack statt ihri Azeig in Cash z'begliche doch tat-sächlich welle Gin ins Hagebächli träge... Aber als erschti Prattler Blau-Chrüüz-Clique hett me natürlig dankbar abglähnt - also dr Alko-hol nid's Inserat...

Alkohol chönne sich au em **Mitch** sini Unterstützer im Pub no länger nümme gönne - jetzt wird's allwe im Jörin-Park wieder e bitz änger... Dr Beizer-der-Herzen sälber vertribt sich sini neu gwunneni Freizyt jetzt halt mit Hand-Bällele mit sine regionale Sportgrössene sprich Schwiegereltere im Gnosseschaftsgarte und lieferet zämme mit em Schnittchen-Schleicher dr Soundtrack zu de glatte Filmli wo sich dr Nochber näbedra uf sim neue, bescheide-chleine Fernsäh yneziieht...

STICKER | TEXTILDRUCK | WEBDESIGN | MARKETING

TEXO

design

THINK OUTSIDE THE BOX

TEXO-DESIGN BORNHAUSER
KÄNELMATTSTRASSE 37 | 4422 ARISDORF

WWW.TEXO-DESIGN.CH
+41 76 379 88 69 | INFO@TEXO-DESIGN.CH



Wärme kommt von innen.....

**Auf über 250 m2 Ausstellungsfläche
zeigen wir Ihnen die allerneusten
Cheminéeofenmodelle.**

**Cheminée
Cheminéesanierung
Cheminéeöfen
Kaminbau-/sanierung
Speicheröfen**

**Diverse Ausstellungsmodelle bis
30 % Rabatt**

FÜÜRPARADIES

Füürparadies GmbH Hertnerstrasse 17 4133 Pratteln

www.feuerparadies.ch Tel. 061 827 90 00 Fax 061 827 90 01

Öffnungszeiten: Mo geschlossen Di-Fr 14:00-18:30 Uhr Sa 10:00-14:00 Uhr

Dr ander meh-oder-weniger glatti Nochber **Luu** truurt immer no sinere verpasste Chance noche, am Schwingfescht als Siegermuni (wär jo denn nur mässig z'«verchleide» gsi) chönne ufzträte... In dr legendäre Schlussgang-Usmarchig hett er halt gege das Dege-Viech (do isch nid d'Madlen S. us P. gemeint) dr Kürzer (gängwiegäng) zoge... Villicht cha er sich jo mit emene neue au Nochbers-Gönner-Zuezug namens Angi XY tröschte - zahlt hett si sicher scho...

Au ganz in dr Nöchi hirnt dr **Preesi** mit em Pasci O. an dr aktuelle Blaggedde umenand - nit nur als Steilvorlaage für's Sujet/Motto oder was au immer, hän si sicher no ihre grandiose Uftritt am Oktoberfescht vom Neo-Höfli-(ver)Wirt im Chopf: «Hauem jetzt eini oder keini?»...

Bim **Strebi** aka au-wenns-kei-Fasnacht-git-muess-mi-näggschte-Toaschter-Chauf-jo-irgendwie-finanziert-si gits in Sache Gönner vor allem dr 50-zigschti vom ewig junge Firmin S. z'erwähne - und natürlich au härzligi Gratulation em Kaiser Franz zum Nachwuchs; das Buschi hett sicher jetzt scho meh Hoor als dr Papi...

Au s bis z'letscht tapfere Schneiderlein **Meier** hett e neue Gönner an Land zooge; nid privat aber brueflich wird er künftig jo grosszügig vom Börni B. us (FC)B alimentiert - mög ihm bi dä Vertragsverhandlige resp. Usgstaltig mit de 1'000 indische Talänt wo gli chömme, s'Glück hold si...

Dr **Käch** - wie alli Schottedichter - hett sich natürlich au zämme mit sine Gönner/inne immer und jederzyt an d'Corona-Regle ghalte; so isch au d'Waldwiehnachte im Halb-Freie nur im sehr chleine Chreis duregfiehrt worde...

Au bim **Schüpbach** isch trotz allem ab und zu no gfyrt und wenn denn sicherlich alles mit riichlich Whiskeli begoose worde... Was dört an Brennbarem vor allem Gönner-Generazione-übergryffend hindere kippt wird, goht uf kei Schottischi Hochland-Rinder-Huut (aber witeri Familie-Chinder - Gratulation Luca - müesse jo schliesslich au entsprächend ytrunke wärde)...



Mandala

Blumen und Geschenke

Schmiedestrasse 5
CH-4133 Pratteln
+41 61 821 20 72

www.mandala-pratteln.ch
mandala@mandala-pratteln.ch



Naai- & Creativ Atelier

Maassgschnyyderets

Ändrige

Upcycling

Innedekoration

Fasnachtsgostdym

Gэгgs

Allergattigs

SR Design

Naai-&Creative Atelier

Sandra Rueger

Schufenholzweg 16

4302 Augst

Del.: 079/644'51'71

Mail: naai-atelier@teleport.ch



ZEIT FÜR EINEN UMBAU?

Innenarchitektur ist unsere Leidenschaft.

Wir sind bereit, um Sie bei Ihrem nächsten Umbau zu unterstützen und freuen uns auf eine Kontaktaufnahme.

Ausstellungen
Szenografie
Innenarchitektur

LOOSLI & ZEHNDER

Münchensteinerstrasse 274

CH-4053 Basel

info@loosli-zehnder.ch

www.loosli-zehnder.ch

Bi Drucklegig vo däm alles, hett hingege dr **Hurt** si 2. Streich nonig chönne mit Alkohol taufe... Hätzligi Gratulation aber scho mol im Voruss! Wohrschiinlich gönnt sich si Schwiegermami stricktechnisch scho s'näggschte Schottedichter-Baby-Wulle-Chäppli.

Nomol churz zrugg zu dere **Muni-Gschicht**... Im 1. Gang scho usegheit isch übrigens dört dr **Stö** - für sone Job isch er eifach vill z'guet im Fundament... No besser im Schuss isch schiins nur sini Gönneuse Nettly B. wo zämme mit dr andere Grosse-Muetter KK (besser bekannt als Pumletten-Käthy) mit em Rollator äh mit em Buschi-Waage für Furore sorgt...

Zum Schluss no zu dr Gönnerlage bim fleisch-gwordene Urimat **Pasci M.**... Trainer-Fuxx Aerni Heinz, Mooler-Chatz Felber Klotz Sandra, Trink-Kater KANUNI, Holz-Wurm Lerch, Spedi-Güggel Miesch und wirklich Last und nid Least dr Wasauimmer-Giraffe Sutter Josua... Dr Pasci chönnt also mit dene ufem Gländ vom Ozeanium glatt e neue Fasnachts-Zolli ufmache... Fazit: S hett sich dört nüt bewegt sprich cha me so guet no e paar Jöörli stoh loh...

**Häzlich Willkomme &
bis bald wieder in dr Klemmi!**

Restaurant Klemme

Take away

Nach telefonischer Anfrage ab 11.00 Uhr

Abholung von 17.00 bis 20.00 Uhr

(andere Zeiten nach Vereinbarung möglich)

061 599 01 13

Hauptstrasse 21, 4133 Pratteln

TEL. 061 599 01 13



Hans & Bea

Zum Schluss no gärn dr Bewiis, dass d'Miss-Gönner absolut unbestächlich isch sprich me sich in dere Kolumne nid eifach so e paar wohlwollendi Zyle cha erchaufe... Nei dä Oliver Wilden (dr Redagtion als Oli W. bekannt) isch eifach vo Huus us e geile Siech, privat sowieso und au gschäftlich ä absolute Top-Profi - und drzue no soooo bescheide... Guet über sini Solothurn-Fricktalerischi Stroosekötermischig luege mir mol grooszüig wäg...

Falls es ufgrund vo dene letschte Zyle und/oder Verwändig vo däm Avatar-Föteli zu nere Klag sett cho, dr 2. Bescht Gönner sprich unsere Clique-Awalt Patrick F. stoht scho parat... Er hett syt em Hirschmaa-Kari no jedi Verhandlig fascht gunne...

Plus danket immer dra ...

only Miss Gönner News
are good News



Dr gueti alti McNews gniest witterhin sie wohlverdiente Ruhestand... Um ihn gebührend z'Ehre, nämme mir d'Fäde vo sine letzte Byträg nomol uf... Uf de neggste Syte & Heftli führt d Redagtion euch durch d Zyt sitt dr Gründig vo de Schot-tedichter und verzelle drbi dr einti oder anderi Schwank wo d Welt, Prattele und d Clique bewegt hän... In dere Usgoob d Joor 02-04 !

Ähnlichkeite zu reale Persone sin selbstverständlich pure Zuefall und basiere lediglich uf dr Phantasie vom Leser...

Afangs 2002 het me s sorgfältig ufghobene Rästgäld vo de Ferie («Das chani sicher widr mol bruche») sorgfältig chönne wäg-schmeisse - dr Euro isch ygfiehrt worde und het am erste Daag 1.48 Franke oder 1'936 Lira kostet, je nach däm was me grad so flüssig gha het. Flüssig isches in däm Joor au in Dütschland zu und här gange:. D Joorhundertfluet het vorallem im Oste grossi Schäd agrichtet. Wie wenn das nid scho gnueg schlimm wär, hän si sich denn au no die wenig verlockendi Wahl gha, ob dr Gerri Schröder nomol oder dr Edi Stoiber neu sett ihre Kanzler sy. Sportlich gseh isch sicher d Fuessball-WM in Japan & Südkorea und do drmit d Frisur vom Ronaldo (dä mir dr Frisur) dr Höhepunkt gsi.

In dr Schwiz isch dr FCB nach 22 Joor wider Maister worde - ä Meilestei, wo mir wohl bald wider dörfe erläbe. In dr Schwiz het me d Expo 02 im Seeland und dr UNO-Bytritt im Usland gfyirt. Z Prattele het me vorallem bim Jasse nid vil z fyyre gha - unseri Jasselite het sich im Donnstigjass voreme fanatische Publikum eher mit Rum als mit Ruhm bekläckeret. Grund gnueg für d Schottedichter, sich dere Thematik mit ihrem Sujet azneh:



*Im Vater Lerch duets hingege gar nid passe
 Wenn einig am Telefon so schlecht duet jasse
 No licht verwirrt meint er do glatt
 S'Spiel isch fertig - dir syt schachmatt
 Doch eins muess me im Lerch denn scho no lo
 Dank ihm isch s 'onika nid uf Prattele cho
 I wurd do säge, sige mir froh
 Denn d Frau Fasnacht im Summer - das cha jo nid go*



Gemüse des Jahres: Flaschenkürbis
Haustier des Jahres: Angler Rind alter Zuchtrichtung
Schiedsrichter des Jahres: Byron Moreno

Dorfereignis: s neue Layout vom Prattler Anzeiger verdopplet d Anzahl Abonnänte uf ei Schlag. Neu sinds vier!!! S Dürr Maya seit ufgrund vo Angina mol für 2 Minute nüt.

Musik: Las Ketchup - The Ketchup Song (Aserejé), Enrique Iglesias - Hero, Sarah Connor - From Sarah with Love



Wir sind für Sie da.

Weil das Leben manchmal ganz schön bitter ist.

Christoph Bussinger, Leiter Individualkunden & Makler
T 061 927 22 38, christoph.bussinger@mobilier.ch

Generalagentur Liestal
Roger Kamber

Burgstrasse 6
4410 Liestal
T 061 927 22 22
liestal@mobilier.ch
mobilier.ch

die Mobiliar

Schützenstube

Ristorante & Pizzeria

HAUPTSTRASSE 55 4133 PRATTELN 061 821 50 04



Der Gin mit der Basler Note

10% Rabatt auf deinen
nächsten Einkauf auf
www.glspirit.ch

Gutscheincode: Fasnacht21

(Gültig bis 30.04.2021)

GL Spirit Company GmbH, Brühlstrasse 10, 4107 Ettingen

Die Fahrschule in Ihrer Region



Bahnhofstrasse 28
4133 Pratteln
Tel. 061 821 10 05
www.alpha-drive.ch

Ä Virus us China breitet sich **2003** als Pandemie uf dr ganze Wält-
chugele us. Dr Erreger SARS-CoV kostet insgesamt 774 Mensche s
läbe und isch ä warnends Byspiil, wie rasch sich ä Virus in unserer glo-
balisierte Wält cha usbreite und Schade arichte... Do setzte mr doch
grad no ein druf, dänggt sich dr George W. Bush und marschieret mit
syne Truppe im Irak y, wo si denn Ändi Joor dr Saddam useme Ärd-
loch chönne buddle. Will das Dütschland und Frankrich nid so glatt
finde, sind si ab jetzt s «alte Europa». Zum neue Europa zellt denn
wohrschiinlich, wenn me mit Hilf vo ä paar Milliönli vonere Skination
zunere Segelation mutiert und als ersts europäisches Schiff dr
Americas Cup gwinnt...

Im hitzige Joorhundertsummer, oder wie me hützutags wurd sage:
Summer, purzle alli Temperaturrekord und me schwitzt sich or-
dentlich eine ab. Denn sett me yo bekannterwyys vil trinke, woruf d
Schottedichter mir ihrem pädagogische Uftrag mitem Sujet «Mir
suffe ab» higwiese hän. Dasses do drby aber um die verrägnete Aläss
im Vorjoor gange isch, blybt ä Randnotiz in dr Gschicht:

*Z'Prattele schiffets und schiffets, wie nid ganz bache
Mir suffe ab - dasch nid zum lache
Räge und Gwitter sin halt Trumpf
Und alles versinkt im gröschte Sumpf
Au am Grümpeli wots mit Tröpfle gar nid höre
Trotzdem chönne mir das Gjammer gli nümme ghöre
S isch jo symbolisch - das muess me säge
Dr FC stoht jo au numme no im Räge*

Arzneipflanze des Jahres: Artischocke
Pilz des Jahres: Papageigrüner Saftling
Vogel des Jahres: Gemeiner gelber Vor-
stadterpel

Dorfereignis: Dr Sterkele-Urs schribt sy
erste Läserbrief im Cheesblettli ohni Be-
leidigungen und Schribfähler. Im Migros an dr Burggartestroos isch ä
Sagg Riis umgfalle...



Musik: DJ Bobo - Chihuahua, 50 Cent - In da Club, Panjabi MC -
Mundian to bach ke



ETAVIS

KRIEGEL + CO

Ihr regionaler Elektriker.


ETAVIS Kriegel + Co. AG
Rheinstrasse 45
4410 Liestal
Tel. 061 905 88 88
Fax 061 905 88 80





F. Koch AG

www.kochkeramik.ch



Unsere Fachgebiete

- Wand- und Bodenbeläge aus Keramik
- Natursteinarbeiten an Wand und Boden
- Sitzplatzbeläge in Splitt verlegt
- Aussenbeläge allgemein
- Treppenbeläge
- Schwimmbadbeläge
- Grossformatige Platten verlegen
- Intensivreinigungen bei Plattenbelägen
- Wartungsarbeiten bei Fugen
- Reparaturarbeiten

F. Koch AG, Lachmattstr. 1, 4133 Pratteln

Tel.: 061 826 90 30 / E-Mail: marc.koch@kochkeramik.ch



Th. Frapolli GmbH

Umbau & Kundengipser

Thomas Frapolli


Kilchmattstrasse 25 • 4435 Niederdorf

061 903 81 18 • 079 641 67 50

kontakt@frapolli.ch

www.frapolli.ch

Will me im **2004** im Weste nassi Füess würd becho, erwyteret sich d EU nach Oschte und loht jetzt au die Polnische Obstproduzänte ihri traditionelle Banane in ä Normierig yhne wachse. Ähne am grosse Teich blybt me abr bim Alte und wählt dr George W. Bush grad nomol, wohl wills so glatt gsi isch bishär. In Oslo wird «dr Schrey» usem Museum gstibitzt, in Lissabon dr Europameisterpokal



vom Rehakles und syne Betonmischer. An de Olympische Spiel gwünnt nid dr David Däge im Fische sondern dr Cello Fischer im Däge d Goldmedaille. Und ä talentierte Racketschwinger us Münchestei wird zum erste Mol d Nummer eins vo dr Wältrangliste.



In dr Schwiz lauft alles mehr oder weniger beschaulich ab, numme dr Christoph Blocher pöblet im Bundesrot wie ä ygsperrti Wildsau. A propos ygsperrti Wildsäu: Wie ygsperrti Wildsäu fühle sich au die ygsperrte Wildsäu, wo in Prattele... Abr läse mr das doch lieber ufem Zeedel vo de Schottedicher noche:

*Uf em Hof vom Willi Albi, das isch nid neu
its schins e ganz e hufe wildi Säu
Mit eme Zuun dänkt er sich denn ganz stier
Schütz ich mi vor dene böse Tier
Doch wo er fertig isch mit dem Superbau
Isch er allwe nüm ganz so buureschlau
S'isch brutal do muesch nid übertriebe
D'Säu sin scho din nur er muess dusse bliebe*



Biotop des Jahres: Viehweide

Flechte des Jahres: Gewöhnliche Feldflechte

Weichtier des Jahres: Gemeine Kahnschnecke

Dorfereignis: Dr Pfirti schribt 100 mol an d Wandtafele: ich soll nid lafere sondern liefere. Em Solethaler Walti gheit dr Stumpe in Kamilletee.

Musik: O-Zone - Dragostea din tei, Haiducii - Dragostea din tei, MusicStars - A Kiss Goodbye



**Täglich frische
hausg emachte
Spezialitäten:
Döner Kebab,
Holzofen-Pizza's,
Pide & Lahmacun**

**Burggartenstr. 14
4133 Pratteln
Tel.: 061 821 30 33**

**Holzofen- und
Kohlengrill**

**Öffnungszeiten:
Montag bis Sonntag
10.00 – 23.00 Uhr**

**Alles als
TAKE AWAY!!**



Mir mien uff d'Signal vo dr Gegewart und dr Alain & Co. loose,
die Schadsoftware will nit numme diä 4 schönschte Dääg - nei
alles verboose,
Uff euses Motto: «Eini, keini, Heini» hän mir jetzt d'Lösig: S
blybt alles still,
kei Cortège, kei Sagg-Event, kei Bloose und Hämmere, kei Poulet
-Stuehl - sigs wis will.

Villicht dörf me no - anstatt in de Beize umezrenne,
mit dr Karnevals-Brunscht am 21.-isch-in-Ornig au grad s'Virus
verbrenne,
und dr Schaggi Lutz chönnt me uf em Madle gseh,
verchleidet als Doggter Yysebart dört obe als Impfig e Eier-
Schnäpsli neh,
aber sunscht gits nid ä Huffe,
und s'Zucker-Wasser muesch ällei dähei no sueffe.

Und doch git's no öppis Tolls - s'isch scho fascht grandios,
d'Abzeiche sin fascht alli wäg - dasch doch famos,
dass me trotz allem das närrische Triiebe unterstützt,
und alles macht, was dr Zukuenft nützt.

Falls dä also no ä sone Blämbel wotsch, schloh no zue - sunscht
isch es sowit,
und s'git kei Mahnmal meh z'poschte an diä bsunderi Zyt.
Blybet gsund und stark, au das alles wird ände ohni grosses
Gschrey,
e fascht-fasnächtliche Gruess vom Faschings-OK us Vier-Eins-
Drey-Drey.

*(neu-testamentarischi Übersetzig vom Komitee-Värsli;
anno 2021, Verfasser unbekannt)*

WILLYHERB AG

Burggartenstrasse 8 · 4133 Pratteln

T 061 821 73 90 · www.willyherbag.ch

BÖDEN. EINFACH ZUM WOHNFÜHLEN!

Die Bodenfachleute mit Ideen

die
boden
fachleute